

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650

Fax: 035/668 672

Broj: 02-45-301-2/21

Čelić: 02.06.2021. godine

A. Izetbegovića 60-2. 75246 Čelić

E-mail: opcelic@gmail.com

Na osnovu člana 70. stav (1), (3) i (6), članova 88. i 89. Zakona o javnim nabavkama Bosne i Hercegovine („Službeni glasnik BiH“ broj: 39/14), člana 16. Pravilnika o postupku javnih nabavki roba, usluga i radova u Općini Čelić, broj: 02-45-901/21 od 16.03.2021. godine, člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-301-2/21 od 02.06.2021. godine, u postupku Konkurentskog zahtjeva za dostavu ponuda za javnu nabavku materijala za opravku službenog motornog vozila Škoda Fabia, uz uslugu ugradnje, Općinski načelnik donosi:

ODLUKU *o izboru najpovoljnijeg ponuđača*

Član 1.

Prihvata se Preporuka Komisije za javnu nabavku broj: 02-45-301-2/21 od 02.06.2021. godine i Ugovor o nabavci materijala za opravku službenog motornog vozila Škoda Fabia, uz uslugu ugradnje dodjeljuje se ponuđaču „Cosmos Commerce“ d.o.o. Tuzla, ponuda broj: 18-05-JJ/21-01 od dana 18.05.2021. godine, zaprimljena na protokol ugovornog organa dana 25.05.2021. godine, po ponuđenoj cijeni u iznosu od 11.039,86 KM bez PDV-a, a ukupna cijena ponude sa PDV-om i popustom iznosi 12.916,64 KM.

Član 2.

Ponuđač iz člana 1. ove Odluke je uz ponudu broj: 18-05-JJ/21-01 od dana 18.05.2021. godine dostavio originale ili ovjerene kopije dokumentacije navedene u Tenderskoj dokumentaciji broj: 02-45-301-2/21 od 12.05.2021. godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke u roku od 10 (deset) dana, računajući od dana kada je ponuđač koji je učestvovao u predmetnom postupku nabavke obaviješten o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđaču koji je učestvovao u predmetnom postupku nabavke.

O b r a z l o ž e n j e

Postupak javne nabavke materijala za opravku službenog motornog vozila Škoda Fabia, uz uslugu ugradnje pokrenut je Odlukom o pokretanju postupka javne nabavke broj: 02-45-301-2/21 od 13.04.2021. godine. Predmetna nabavka provedena je putem postupka konkurentskog zahtjeva za dostavu ponuda. Procijenjena vrijednost javne nabavke iznosila je

11.040,00 KM bez PDV-a. Obavještenje o nabavci broj: 306-7-1-34-3-8/21 objavljeno je na Portalu javnih nabavki dana 12.05.2021. godine. Poziv za preuzimanje tenderske dokumentacije u sistemu „E nabavke“, broj: 02-45-301-2/21 od 12.05.2021. godine putem pošte prosljeđen je slijedećim potencijalnim ponuđačima:

- Auto kuća „Brijest“ d.o.o. Gračanica,
- Auto servis Omerčić d.o.o. Gradačac,
- „Cosmos-commerce“ d.o.o. Tuzla.

Komisija za javnu nabavku imenovana Rješenjem broj: 02-45-301-2/21 od 13.04.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-301-2/21 od 02.06.2021. godine, Preporuku o izboru najpovoljnijeg ponuđača broj: 02-45-301-2/21 od 02.06.2021. godine i Izvještaj o radu komisije broj: 02-45-301-2/21 od 02.06.2021. godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku nabavke primljena jedna ponuda - „Cosmos Commerce“ d.o.o. Tuzla,
- da je blagovremeno primljena jedna ponuda,
- da nije bilo neblagovremeno primljenih ponuda,
- da je ponuda „Cosmos Commerce“ d.o.o. Tuzla kvalifikovana i prihvatljiva.

Tenderskom dokumentacijom za predmetnu nabavku predviđeno je provođenje e-aukcije. Članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj 66/16) i tačkom 6.3. Tenderske dokumentacije za predmetnu nabavku predviđeno je da u slučaju prijema jedne prihvatljive ponude e-aukcija se neće zakazivati, nego će se postupak okončati u skladu sa članom 69. Zakona o javnim nabavkama.

Uvidom u spis predmeta utvrđeno je da procijenjena vrijednost nabavke bez uključenog PDV-a iznosi 11.040,00 KM i da je kriterij za dodjelu ugovora najniža cijena. Ponuđač „Cosmos Commerce“ d.o.o. Tuzla dostavio je prihvatljivu ponudu sa cijenom u iznosu od 11.039,86 KM bez PDV-a, a ukupna cijena ponude sa PDV-om i popustom iznosi 12.916,64 KM.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.


Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), člana 39. Statuta Općine Čelić („Službeni glasnik Općine Čelić“ broj: 3/2017) odlučeno je kao u članu 1. ove Odluke.

Uputstvo o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

Obrađivač: Alma Čeliković

OPĆINSKI NAČELNIK


Admir Hrustanović, dipl. oec

Dostavljeno:

1. Ponuđaču
2. Službi za zajedničke, računovodstvene i poslove trezora općine Čelić
3. Za općinsku web stranicu
4. Evidenciji
5. Arhivi

